

জার্মানি ও ইতালিতে ওমিক্রন শনাক্ত

- A Monitor Desk Report

Date: 28 November, 2021



এবার জার্মানি ও ইতালিতে করোনার নতুন ধরন ওমিক্রন শনাক্ত হয়েছে।

জার্মানির আঞ্চলিক স্বাস্থ্য মন্ত্রণালয় জানিয়েছে, দেশটির বাভারিয়া রাজ্যে ওমিক্রনে আক্রান্ত দুই রোগী পাওয়া গেছে। ২৪ নভেম্বর দক্ষিণ আফ্রিকা থেকে এখানে এসেছেন তারা।

ইতালির স্বাস্থ্য ইনস্টিটিউট জানিয়েছে, দেশটির মিলানে ওমিক্রনে আক্রান্ত এক ব্যক্তি শনাক্ত হয়েছেন। তিনি মোজাম্বিক থেকে এখানে এসেছেন।

সম্প্রতি দক্ষিণ আফ্রিকায় প্রথম ওমিক্রন শনাক্ত হয়েছে। করোনার এ ধরনটি আগের প্রজাতির চেয়ে বেশি সংক্রামক। ইতোমধ্যে ভাইরাস বৈচিত্র্যের এলাকা হিসেবে দেশটিকে চিহ্নিত করেছে জার্মানি। ফলশ্রুতিতে আফ্রিকার সঙ্গে যোগাযোগ স্থগিত করেছে তারা।

শনিবার (২৭ নভেম্বর) যুক্তরাজ্যে ওমিক্রন আক্রান্ত দুই ব্যক্তি পাওয়া যায়। এরই মধ্যে বেলজিয়াম, হংকং, ইসরায়েলে করোনার এ আগ্রাসী ধরন শনাক্ত হয়েছে।